




BIBLIOTHECA
UNIV. IAGELL.
CRACOVENSIS

kat.komp

40716

1154. 01. 01.

P



CORONA
BEATÆ ET IM-
MACVLATÆ VIR-
GINIS MARIE.

Cum Orationibus & Meditati-
onibus, secundùm normam
F. Minorum S. FRANCISCI
de obseruantia.



M. DC IIII.



40716

1



INVOCATIO S. SPIRITVS.

VENI sancte Spiritus, reple tuorum corda fidelium, & tui amoris in eis ignem accende, qui per diuersitatem linguarum cunctarum, gentes in vnitatem fidei congregasti.

Ÿ. Emitte Spiritum tuum & creabuntur.

℞. Et renouabis faciem terræ.

ORATIO.

DEVS, qui corda fidelium sancti Spiritus illustratione docuisti: da nobis quæsumus in eodem Spiritu recta sapere, & de eius semper consolatione gaudere. Per Dominum nostrum **I**ESUM Christum Filium tuum. Qui tecum viuit & regnat in vnitatem eiusdem Spiritus sancti Deus. Per omnia secula seculorum. Amen.

Preparatio cordis, ante orationem Coronæ B. MARIÆ Virginis.

In nomine Patris, & Filij, & Spiritus sancti. Amen.

Domine IESV Christe, dignare me indignum peccatorem, Matri tuæ debitam reuerentiam exhibere. Et tu amatissima Domina, impetra mihi à dilecto Filio tuo, vt sim semper deditus tuæ seruituti, & tibi omni tempore vitæ meæ, dignas laudes pro mente pura & corpore promere valeam. Saluto te gloriosissima Dei genitrix virgo Maria, cœlorum Regina, Angelorum Domina, ea salutatione, qua te salutauit Archangelus Gabriel: Aue MARIA, gratia plena, Dominus tecum: benedicta tu in mulieribus, & benedictus fructus ventris tui IESVS. Humiliterque ac deuotè supplico tibi, ô gloriosa Domina, vt ab eodem dilecto Filio tuo Domino IESV Christo, impetres mihi seruulo tuo, licet indigno & peccatori, vt in hac hora infundat in me gratiam Spiritus sancti, qua purgatus ab omnibus peccatis meis, & segregatus ab omnibus nocuis & prauis cogitationibus, delectatio-

Stationibus & tentationibus, Coronam
tibi dedicatam, ad laudem & gloriam
eiusdem dilectissimi Filij tui, ad hono-
rem tuum, omniumque supernorum
civium exultationem, necnon ad salu-
tem animæ meæ, & fidelium omnium
tam viuorum quam defunctorum pro-
mere valeam tranquilla mente & in
statu gratiæ.

Gratiarum actio pro beneficio Creationis.

Gratias tibi ago Domine Deus, Pa-
ter omnipotens, Rex cœlestis, qui
me indignum famulum tuum, ad ima-
ginem & similitudinem tuam creare
dignatus es: & vnicum cordis tui Fili-
um, in mundum pro salute nostra mi-
sisti: pro quo tibi sit laus, honor, decus
& gloria, in secula seculorum. Amen.

PAT: NOST. AVE MARIA.

Gratiarum actio pro beneficio Redemptionis.

Gratias tibi ago Domine IESV Chri-
ste, Fili Dei viui, qui me indignum
peccatorem tuo sanguine pretiosissimo
redemisti, & tuum corpus ac sanguinem
nobis in cibum & potum reliquisti:
pro quo sit tibi laus, honor, decus &
gloria, in secula seculorum. Amen.

PAT: NOST. AVE MARIA.

*Gratiarum actio pro beneficio illuminati-
onis, & ad S. Religionem vocationis.*

Gratias tibi ago Domine Spiritus
sancte Deus, qui me indignū pec-
catorem ad fidem sanctam, insuper ad
sacram religionē vocare dignatus es, &
me à multis periculis animæ & corpo-
ris, & hæctenus ab aterna damnatione
per multa defluentem viti præseruasti:
pro quo tibi sit laus, honor, decus &
gloria, in secula seculorum. Amen.

PAT: NOST. AVE MARIA.

*Et sciendum, quòd hæc tria Ave Maria,
pertineant ad Coronam, vt suppleatur nu-
merus qui debet esse 72. Ave Maria, & vnū
Ave pro summo Pontifice. Pater noster ve-
rò continet hæc Corona 8. qua recitata
toties quoties, consequitur Plen: Indulg.
concessam à Iulio II. & Leone X.*

O R A T I O.

Domine I E S U Christe, ecce ego
tametsi indignus peccator, præcor-
diali affectu & mente deuota qua pos-
sum, humiliter & gratanter recolo om-
nia beneficia, mihi à te collata, speciali-
ter creationis meæ, nobilissimæ redem-
ptionis, misericordissimæ per tuā igno-
miniosissimam mortem crucis, & voca-
tionis meæ benignissimæ ad sacram fi-
dem Ca-

dem Catholicã, insuper ad hãc sacrã religionẽ, in qua mihi miserrimo peccatori digneris omnipotẽs Deo, dare remissionem omnium peccatorum meorũ, veram vitæ meæ emendationem, abundantiam omnium bonorum spiritualiũ, mandatorũ tuorum & votorum meorũ obseruantiam, vitam honestã, cogitationes sanctas, fidẽ firmam, spem rectam, charitatem perfectam, patiẽtiã & humilitatem, cõtinentiam ac simplicitatẽ, desideria cœli, & in tẽtationibus victoriam, cum finali perseuerantia vsq; in finem vitæ meæ. Amen.

SEQUITVR CORONA

B. MARIÆ VIRGINIS,
cum Orationibus & Meditationibus.

Gratiastibi ago Domine Iesu Christe, pro tua sanctissima Circumcisione: & precor te, circũcide in me omnem nociuam cogitationem, delectationem & tentationem. &c.

PATER NOSTER.

IESVS Christus pro nobis circumciscus, quem tu sanctissima virgo Maria, Gabriele Archangelo nuntiante,

de Spiritu sancto concepisti. Rogo te
per illud ineffabile gaudiū, quod tunc
habuisti in terris, & per hoc quod nūc
habes in cœlis, quo omnes sanctos ex-
cellis sublimitate, intercedere digneris



pro me miserrimo peccatore, ad eundē
dilectissimū Filiū tuū, vt per sanguinē
suum pretiosissimum, quem effudit in
sua sanctissima circumcissione, & per
merita & intercessionē omniū sanctorū
Archāgelorum & Angelorum, & præci-
puè per intercessionem S. Michaëlis, &
S. Angeli custodis & patroni mei, digne
tūr me tuus dilectissimus Filius purga-
re ab

re ab omnibus peccatis meis, & præci-
puè à peccato superbiæ: adornare virtu-
te humilitatis, confirmare dono Spiri-
tus sancti, timoris. Insuper ora sanctis-
sima virgo Maria, dignetur tuus dile-
ctissim^o Filius, misereri & propitius esse
mihi maximo peccatori, & omnibus in
sacris ordinibus existētibus, & præcipuè
Pontifici summo Romano, cum omni
clero sibi commisso, & Antistiti nostro.

G Aude virgo mater Christi,
Quæ per aurem concepisti,
Gabriele nuntio.

Decem AVE MARIA.



Antiphona.

Sancta & immaculata virginitas, quibus te laudibus efferam, nescio: quia quem cœli capere non poterant, tuo gremio contulisti.

¶ Angelus Domini nuntiauit Mariæ.

¶ Et concepit de Spiritu sancto.

O R E M V S.

DEVS, qui de Beatæ Mariæ virginis utero, Verbum tuum Angelo nuntian-
te carnē suscipere voluisti: præsta quæ-
sumus supplicibus tuis, vt qui verè eam
genitricem Dei credimus, eius apud te
intercessionibus adiuuemur. Per eun-
dem Dominum nostrum IESVM. &c.

GRatias tibi ago Domine Iesu Chri-
ste, pro tua sanctissima in horto
desudatione: & precor te, da mihi in
recordatione passionis tuæ, vberem la-
chrymarum fontem & effusionem.

PATER NOSTER & AVE MARIA.

IESVS Christus pro nobis in horto
desudatus, quem tu sanctissima vir-
go Maria in utero tuo portans, Elisa-
beth cognatam tuam visitasti. Rogo te
per illud ineffabile gaudium, quod tūc
habuisti in terris, & per hoc quod nunc
habes

habes in cœlis, quo omnes sanctos excellis claritate, intercedere digneris pro me miserrimo peccatore ad tuum dilectissimū Filium, vt per sanguinē suū pretiosissimum, quem effudit in sua



sanctissima in horto desudatione, & per merita & intercessionem omnium sanctorum Patriarcharum & Prophetarum, & præcipuè per intercessionem S. Ioannis Baptistæ, dignetur me tuus idē dilectissim⁹ Filius purgare à peccatis omnibus, & præcipuè à peccato inuidiæ: adornare charitate, cōfirmare dono Spiritus sancti, pietatis. Insuper ora sanctissima virgo Maria, dignetur tuus
a 6 dilectif-

dilectissimus Filius misereri & propiti-
us esse mihi maximo peccatori, & om-
nibus religiosis, & præcipuè ordinis no-
stri Seraphici, maximè verò Prouinciæ
nostræ, & omnibus Prælatis in ordine
nostro constitutis.

GAude quia visitasti Elisabeth cum
Filio, cordis cum desiderio, cui
gratis seruiuisti, Magnificat decantasti,
gaudens cum tripudio.

Decem AVE MARIA.



Antiphona.

Beata es virgo MARIA, quæ Domi-
num portasti, creatorem mundi genui-
sti, qui

fi, qui te fecit, & in æternum permanes virgo.

y. Dignare me laudare te virgo sacrata.

R. Da mihi virtutem cōtra hostes tuos.

O R E M V S.

DEVS, qui virginalem aulam beatæ Mariæ virginis in qua habitares, eligere dignatus es: da quæsumus, vt sua nos defensione munitos, iucūdos faciat suæ interesse cōmemorationi. Qui viuus. etc

GRatias tibi ago Domine IESV Christe, pro tua sanctissima flagel-



latione, & precorte, da mihi in præsentivita pro peccatis meis paternam cor-

lectionem. PATER NOSTER & AVE
MARIA.

IESVS Christus pro nobis flagellatus, quem tu sanctissima virgo Maria absq; omni dolore peperisti. Rogo te per illud ineffabile gaudium, quod tūc habuisti in terris, & per hoc quod nūc habes in cœlis, quo omnes sanctos excellis voluntate, intercedere digneris pro me miserrimo peccatore ad eundē dilectissimum Filium tuum: vt per sanguinem suum pretiosissimum, quem effudit in sua sacratissima flagellatione, & per merita & intercessionem omnium sanctorum Apostolorum & Euangelistarum, & præcipuè per intercessionem Petri Apostoli, dignetur me purgare ab omnibus peccatis meis, & præcipuè à peccato iræ: adornare virtute patiētiae, confirmare dono Spiritus sancti, scientiae. Insuper ora sanctissima virgo Maria, dignetur idē dilectissim⁹ Filius tuus, misereri & propiti⁹ esse mihi maximo peccatori, & meis parentibus, fratribus, sororibus, omnibusq; mihi in consanguinitate & familiaritate adstrictis, & omnibus, qui mihi vel nobis propter nomen tuū bene fecerunt, & qui mihi recom-

recommendati sunt, quos etiam conturbavi, grauavi, scandalizavi, verbis, factis, scienter, ignoranter, siue in carne adhuc uiuant, siue iam seculo defuncti sunt; omnes obsecro auxilium gratiæ Filij tui, opem eius consolationis, protectionem à periculis, liberationem à pœnis aduenire nobis sentiamus: vt ab omnibus malis erepti, gratias magnificas semper dulcissimo Filio tuo læti persoluamus. Amen.

GAude quia Deo plena, peperisti sine pœna, cum pudoris lilio.
Decem AVE MARIA.



Fœlix.

FOELIX namq; es sacra virgo Maria,
& omni laude dignissima, quia ex te
ortus est sol iustitiæ Christus Deus no-
ster. Ora pro populo, interueni pro cle-
ro, intercede pro deuoto fœmineo fe-
xu, sentiant omnes tuum iuuamen, qui-
cunque celebrant tuam sanctam com-
memorationem

Y. Post partum virgo inuiolata per-
mansisti.

R. Dei genitrix intercede pro nobis.

O R E M V S.

DEVS, qui salutis æternæ, beatæ Ma-
riæ virginitate fœcunda, humano geni-
ri præmia præstitisti: præsta quæsumus,
vt ipsam pro nobis intercedere sentia-
mus, per quam meruimus auctorem vi-
tæ suscipere, Dominum nostrum IESVM
Christum Filium tuum. Qui. &c.

GRATIAS tibi ago Domine IESV
Christe, pro tua sanctissima spinis
coronatione: & precor te, imprime cor-
di meo sedulam, lachrymosam ac de-
uotam tuæ passionis recordationem.

PATER NOSTER. AVE MARIA.

IESVS Christus pro nobis spinis co-
ronatus, quem tu sanctissima virgo
Maria

Maria à tribus Regibus adorari vidisti.
Rogo te per illud ineffabile gaudium,
quod tunc habuisti in terris, & per hoc



quod nunc habes in cœlis, quo omnes
sanctos excellis dignitate, intercedere
digneris pro me miserrimo peccatore,
ad eundem dilectissimū Filium tuum,
vt per sanguinem suum pretiosissimū,
quem effudit in sua sanctissima spinis
coronatione, & per merita omnium
sanctorum Martyrum, & præcipuè per
intercessionem S. Adalberti, dignetur
me purgare ab omnibus peccatis meis,
& præcipuè à peccato auaritiæ: adorna-
re vir-

re virtute paupertatis, & totius mundi
contemptu, confirmare dono Spiritus
sancti, consilij. Insuper ora sanctissima
virgo Maria, dignetur tuus dilectissim^o
Filius misereri & propitius esse mihi ma-
ximo peccatori, & omnibus Regibus &
Principibus Christianis, & præcipuè
Regi nostro Poloniæ, cum omni popu-
lo sibi commisso.

GAUDE quia dona ferunt Reges nato,
quæ adorant in materno gremio.
Decem AVE MARIA.



Antiphona.

Christi virgo dilectissima, virtutum
opera-

operatrix inclyta, opem fer miseris, sub-
ueni Domina clamantibus ad te iugiter.

¶. Reges Tharlis & Insulae munera
offerunt.

¶. Reges Arabum & Sabba dona
adducunt.

O R E M V S.

CONcede misericors Deus, fragilitati
nostrae praesidium: ut qui sanctae Dei
genitricis memoriam agimus, interces-
sionis eius auxilio, a nostris iniquitati-
bus resurgamus. Per eundem. &c.

GRATIAS tibi ago Domine Iesu
Christe, pro tua ignominiosa cru-



cis ba-

eis baiulatione, & dolorosa ante crucem despoliatione: & precor te, da mihi pro peccatis meis veram cordis contritionem, puram & lachrymosam oris confessionem, dignam satisfactionem, veramq; ex omnibus emendationem.

PAT: NOST. AVE MARIA.

IESVS Christus pro nobis crucem ignominiose baiulando, crudeliter vestibus est despoliatus, quem tu sanctissima virgo Maria quadragesimo die in templo presentasti, & ipsius anno duodecimo, eum perditum post triduum in templo, in medio Doctorum reperisti. Rogo te per illud ineffabile gaudium, quod tunc habuisti in terris, & per hoc quod nunc habes in caelis, quo omnes sanctos excellis remuneratione, intercedere digneris pro me miserrimo peccatore ad eundem dilectissimum Filium tuum, ut per suam ignominiosam crucis baiulationem & per sanguinem suum pretiosissimum, quem effudit in sua dolorosa ante crucem despoliatione, & per merita quoq; & intercessionem omnium sanctorum Pontificum & Confessorum, & praecipue per intercessionem S. Ludouici, dignetur me purgare ab

gare ab omnibus peccatis meis, & præcipuè à peccato Acediæ: adornare virtute feruētis deuotionis, cōfirmare dono Spiritus sancti, fortitudinis. Insuper ora sanctissima virgo Maria, dignetur idem dilectissimus Filius tuus, misereri & propitius esse mihi maximo peccatori, & omnibus benefactoribus nostris quorum vtimur eleemosynis.

GAude quòd est præsentatus,
Per te fœlix ille natus,
Legis testimonio.



Mœsta multùm quæsiuisti,

Et in-

Et inter Doctores eum inuenisti,
Anno eius duodecimo.

Decem AVE MARIA.

Sub tuum præsidium confugimus,
sancta Dei genitrix: nostras deprecationses ne despicias in necessitatibus, sed à periculis cunctis, libera nos semper virgo gloriosa & benedicta.

Ÿ. Diffusa est gratia in labiis tuis.

℞. Propterea benedixit te Deus in æternum.

O R E M V S.

F Amulorum tuorum, quæsumus Domine, delictis ignosce, ut qui tibi placere de actibus nostris non valemus, genitricis Filij tui Domini nostri intercessione saluemur. Per eundem Dominum nostrum Iesum Christum. &c.

G Ratias tibi ago Domine Iesu Christe, pro tua sanctissima crucifixione, & pro tuis sanctissimis verbis, quæ pendens in cruce dixisti: & precor te, da mihi, quicquid omnibus meis membris, cogitationibus, locutionibus, operationibus ac negligentis deliqui, plenam indulgentiam ac remissionem peccatorum. PAT: NOST. AVE MARIA.
Iesus

Iesus Christus pro nobis crucifixus,
quem tu sanctissima virgo Maria post
triduum à mortuis resurgentem, & qua
dragesimo die ad cœlum ascendentem.



vidisti, & die Penthecostes Spiritum
sanctum mittentem cognouisti. Rogo
te per illud ineffabile gaudium, quod
tunc habuisti in terris, & per hoc quod
nunc habes in cœlis, quo omnes san-
ctos excellis propinquitate: intercedere
digneris pro me misero peccatore ad
eundem dilectissimum Filium tuum,
vt per sanguinem suum pretiosissimū,
quem effudit in sua sanctissima & acer-
bissima

bissima crucifixione, & per merita & intercessionem omnium sanctarum Virginum, & præcipuè per intercessionem S. Catharinæ, S. Cæciliæ, S. Dorotheæ, S. Barbaræ, S. Claræ, dignetur me purgare ab omnibus peccatis meis, & præcipuè à peccato gulæ, adornare virtute temperantiæ, confirmare dono Spiritus sancti, intellectus. Insuper ora sanctissima virgo Maria, dignetur idem dilectissimus Filius tuus, misereri & propitius esse mihi maximo peccatori, & omnibus tribulatis, infirmis, tentatis, captiuis, & afflictis, & in quacunq; necessitate positis, omnibus peccatoribus vt conuertantur qui discesserunt à fide Catholica, & gentibus agnitionem veritatis dare dignetur, omnibus meis persecutoribus, & qui me calumniis afficiunt, & quos mea malitia scandalizauit, & cunctis in Ecclesia Catholica congregatis, omnibus nobis misereri & propitius esse vnigenitus Dei ac tuus Filius Iesus Christus dignetur.

G Aude quia tui nati,
Quem videbas mortem pati,
Fulget resurrectio.

Gaude

&
r-
m
e,
r-
e-
te
as
f-
e-
o-
&
s,
e-
as
e
er
i-
i,
o
s
e

Gaude Christo ascendente,
Qui in cœlum te vidente,
Motu fertur proprio.



Gaude quia Paracletus,
Missus fuit cœlitus,
In tuo collegio.

Decem AVE MARIA.

Antiphona.

AVE Regina cœlorum,
Aue Domina Angelorum,
Salve radix sancta, ex qua mundo lux
est orta. Gaude gloriosa, super om-
nes speciosa: Vale valde decora, & pro
nobis semper Christum exora.

b

ŷ. Ora

Y. Ora pro nobis sancta Dei genitrix.
R. Vt digni efficiamur promissionibus
Christi.

O R E M V S.

Concede nos famulos tuos, quaesumus Domine Deus, perpetua mentis & corporis sanitate gaudere, & gloriosa beatæ Mariæ semper virginis intercessione, à præsentis liberari tristitia, & æterna perfrui lætitia. Per eundem Dominum nostrum. &c.

*Tempore Paschali dicitur Antiphona,
Regina cœli, cum suo Versu & Oratione.*

Gratias tibi ago Domine Iesu Christe, pro tua sanctissima lateris apertione, & precor te, da cordi meo feruentem tui amorem & dilectionem. **PATER NOST. AVE MARIA.**

Iesus Christus pro nobis lancea in latere transfixus, à quo tu sanctissima virgo Maria, cum anima & corpore in cœlum assumpta fuisti. Rogo te per illud ineffabile gaudium, quod tunc habuisti in terris, & per hoc quod nunc habes in cœlis, quo omnes sanctos excellis securitate, intercedere digneris pro me misero peccatore, ad eundem dilectif

dilectissimum Filium tuum, vt per sanguinem suum pretiosissimum, quem effudit in sua sanctissima lateris apertione, & per merita & intercessiones omnium sanctarum Mulierum ac Viduarum,



rum, & præcipuè per intercessionem S. Annæ, S. Helizabeth, S. Heduigis, dignetur me purgare ab omnibus peccatis meis, & præcipuè à peccato luxuriæ, adornare virtute castitatis, confirmare dono Spiritus S. sapientiæ. Insuper ora sanctissima virgo Maria, dignetur tuus idem dilectus Filius misereri & propiti-
us esse mihi maximo peccatori, & om-
nibus

nibus defunctorum animabus, præci-
puè meorum parentum, consanguine-
orum, fratrum, sororum, familiarium,
benefactorum, amicorum tam spiritu-
alium quàm carnalium, & omnibus fi-
delibus defunctis in purgatorio existē-
tibus, requiem æternā donare dignetur.

GAude quæ post ipsum scandis,
Et est tibi honor grandis,
In cœlesti solio.



Vbi fructus ventris tui,
Per te detur nobis frui,
In cœli palatio.

Decem AVE MARIA.

Salve

Salue Regina, mater misericordiae,
vita, dulcedo, & spes nostra salue. Ad
te clamamus exules filij Euæ. Ad te su-
spiramus gementes & flentes in hac la-
chrymarum valle. Eia ergo aduocata
nostra, illos tuos misericordes oculos
ad nos conuerte. Et Iesum benedictum
fructum ventris tui nobis post hoc exi-
lium ostende. O clemens, ô pia, ô dul-
cis virgo Maria.

Ÿ. Exaltata es S. Dei genitrix.

Ꝟ. Super choros Angelorum ad cœle-
stia regna.

OREMVS.

Beatæ & gloriosæ, semperq; virginis
Mariæ, quæsumus Domine, intercessio
gloriosa nos protegat, & ad vitam per-
ducat æternam. Per Dominum. &c.

PATER NOSTER.

Recommendatio Coronæ.

Suscipere digneris, Domine sancte,
Pater omnipotens, hanc Coronam,
quam ego indignissimus famulus tuus,
offero tibi in memoriam passionis &
effusionis pretiosissimi sanguinis Do-
mini nostri Iesu Christi. Suscipere di-
gneris & in memoriam septem gaudi-

orum temporalium, & septem aeternorum gloriosissimæ genitricis eiusdem Filij tui vnigeniti virginis Mariæ. Suscipere, inquam, digneris Domine sancte, Pater omnipotens, hanc Coronam, ad laudem & gloriam tui sanctissimi nominis, ad honorem beatissimæ virginis Mariæ, & in specialem honorem SS. Michaelis Archangeli, & S. Angeli custodis mei, S. Ioannis Baptistæ, S. Ioannis Apostoli & Euangelistæ, S. Adalberti, S. Stanislai, sanctissimi Patris nostri Francisci, S. Catharinæ, S. Cæciliæ, S. Claræ, S. Annæ, patronorum meorum, atq; totius curiæ cœlestis exultatione. Suscipere digneris pro Ecclesia tua sancta, & pro cuncto populo, quem acquisisti pretioso sanguine Filij tui, & pro me misero peccatore, pro remissione peccatorum nostrorum, pro expugnatione vitiorum, pro augmento virtutum, pro pace & sanitate fidelium populorum, pro fructibus terræ, pro stabilitate Ecclesiæ, pro ordine sanctorum, pro conuersione & reuocatione peccatorum, & pro omnibus meis peccatis, vitiis & negligentis, & pro emendatione vitæ meæ. Insuper suscipere digneris pro
omni-

omnibus fidelibus, tam viuis quàm defunctis, pro quibus scis & vis me orasse: oro, vt mihi & illis proficiat ad salutem & vitam sempiternam. Amen.

*Ad beatissimam Virginem
& sanctos Dei.*

○ Bsecro te etiam beatissima Dei genitrix virgo Maria, & te beatissime Pater Francisce, & vos SS. Bonaventura, & S. Bernardine, patroni mei charissimi, omnesq; sancti electi Dei, facite me exaudiri indignum peccatorem pro omnibus illis, pro quibus hęc orationem intentionaliter facio, vt Dominus Iesus dignetur eis per meritum suę passionis misereri, mihi verò indigno peccatori velit impetrare veniam peccatorum, veram vitę emendationē: insuper impetrate mihi gratiam, omnia mundana spernere, & in sola cruce Domini nostri delectari, vt benè moriens, tandem vos æternaliter valeam in cœlis videre, & Dominum Iesum Christum vobiscum laudare in secula seculorum. Amen.

Oratio ad Dominum I E-

supponit SVM Christum.

ampli

b 4

Insuper

INsuper tibi gratias ago Domine Iesu Christe, pro omnibus laboribus, quos pro me misero peccatore misericorditer sustinuisti, vt me à damnatione liberares. In ea charitate obsecro te Domine Iesu Christe, Rex meus & Deus meus, vt sis mihi placabilis super multitudine peccatorum meorum, & me miserum peccatorem confirmare digneris in hac religione sacra, ad quam me propemodum indignum, sed tuis miserationibus multis & magnis vocare dignatus es. Facias me quoq; proficere in omni adimpletione mandatorum tuorum & votorum meorum, videlicet Obedientiæ, Paupertatis, & sanctissimæ Castitatis, mentis & corporis: & auge in me virtutem fidei firmæ, spei rectæ, charitatis perfectæ, patientiæ, humilitatis, mansuetudinis, iustitiæ, prudentiæ, temperantiæ, fortitudinis, atq; totius sanctitatis: liberare me quoq; digneris à lingua nefandissima, labiis dolosis, & leuitate risus: omneq; desiderium meum in amore terreno & carnali extinguere digneris, & in tuo amore accendere, ac in deuota meditatione tuæ sanctissimæ passionis. Fac quoque
Domine

Domine Iesu Christe, quatenus omne
tempus à te mihi impensum fructuosè
expendam: studium discendi & intel-
lectum scripturæ, si tibi placet & expe-
dit animæ meæ, mihi impartiri digne-
ris, quatenus possim eo uti, ad laudem
& gloriam tui sanctissimi nominis, ani-
mæ meæ salutem, & proximorum meo-
rum ædificationem. Auditoribus quo-
que omnium Prædicatorum Christia-
næ veritatis, maximè in hac Prouincia
& in hoc loco, Spiritus sancti gratiam
infundere digneris, quæ corda eorum
aperiat, & deuotè audire faciat, & cum
mansuetudine suscipere insitum verbû.
Quare super te conuenimus Spiritus
sancte Deus, qui es illuminator omni-
um uiuentium & venientium in hunc
mundum, digneris me illuminare cœ-
cum in anima & corpore, quatenus
possem boni aliquid operari in hac vi-
nea pro gloria sanctissimi nominis tui,
animæ meæ salute, & proximorum me-
orum ædificationem. Amen.

Tibi nos ô Maria commendamus,

Tu procura ne pereamus. Amen.

Oratio ante Confessionem
Sacramentalem.

PER sanctorum omnium Angelorum, Archangelorum, Patriarcharum, Prophetarum, Apostolorum, Martyrum, Confessorum, Virginum, atque sanctarum mulierum merita, orationes, intercessionem, passionem & suffragia: infunde cordi meo clementissime Deus, per gratiam Spiritus sancti, compunctionem & fontem lachrymarum: ut possim reatum conscientiae meae perfecte cognoscere, & delicta facinorum meorum plenarie confiteri, & deuote commissa accusare, & de commissis omnibus dignam agere poenitentiam valeam, & de his tua praestante gratia & misericordia, perfectam habere veniam. Amen.

Alia commoda Oratio ante
sacram Confessionem.

Suscipe confessionem meam piissime me ac clementissime Domine Iesu Christe, vnica spes salutis animae meae: & da mihi obsecro contritionem cordis & lachrymas oculis meis, ut defleam di-

am diebus ac noctibus omnes negligē-
tias meas, cum humilitate & compun-
ctiōe cordis. Appropinquet oratio
mea in conspectu tuo Domine. Si ira-
tus fueris Domine contra me, quem
adiutorem quæram, aut quis miserebi-
tur iniquitatibus meis? Memento mei
Domine, qui Cananæam & Publicanū
vocaſti ad pœnitentiam, & Petrum la-
chrymantem suscepisti. Domine Deus
meus, suscipe preces meas, Saluator
mundi Iesu bone, qui te crucis morti
dedisti, vt peccatores saluos faceres: re-
spice me miserum peccatorem inuocā-
tem nomē tuum, atq; noli sic atten-
dere malum meum, vt obliuiscaris bo-
num tuum. Etsi commisi vnde me da-
mnare potes, tu non amisisti vnde me
Domine saluare soles. Parce ergo mihi,
qui es Saluator meus, & miserere pec-
catrici animæ meæ, solue vincula eius,
sana vulnera. Domine Iesu, te desidero,
te quæro, te volo, ostende mihi faciem
tuam & saluus ero. Emitte igitur piissi-
me Domine, meritis purissimæ & im-
maculatæ semper genitricis Dei virgi-
nis Mariæ, & sanctorum tuorum, lucem
tuam & veritatē tuam in animam me-
am, quæ

am, quæ omnes defectus meos in veritate mihi ostendat, quos confiteri me oportet, atq; iuuet & doceat ipsos plenè & contrito corde explicare. Qui. &c.

Oratio post Confessionem.

Sit tibi Domine obsecro meritis beatae semper virginis genitricis tuæ Mariæ, & omnium sanctorum & sanctarum, grata & accepta confessio mea, & quicquid mihi defuit nunc, & aliàs de sufficientia contritionis, de puritate & integritate confessionis, suppleat pietas & misericordia tua, & secundum illam digneris me habere plenius & perfectius absolutum in cælo. Qui vivis. &c.

Alia Oratio.

Omnipotens, sempiterna, misericordissime Deus, qui venisti peccatores redimere: rogo te per dulcissimum Sacramentum Corporis & Sanguinis tui, vt mihi donare digneris indulgentiam & remissionem omnium peccatorum meorum, præteritorum & præsentium: vt dignam agere valeam pœnitentiam, & in bonis operibus perseverantiam habeam, ac toto corde te diligere valeam, & quæ tibi placita sunt

tota

tota dilectione perficere, & post hanc
vitam nunquam à te separari valeam.

Qui vivis. &c.

*Pro remissione peccatorum, cum
confessione Oratio.*

OMnipotens Deus, Pater miseri-
cors, ecce indignus ego peccator
coram Diuinæ tuæ maiestatis folio cō-
pareo: multitudinem delictorum meo-
rum in diuinam legem sanctamq; vo-
luntatem tuam, ad pedes tuos proiicio:
multiplicata erant in carne mea super
numerum, sicut arena quæ est in littore
maris, & veluti onus graue, grauata
sunt super me. Agnosco Domine hoc
sathanæ regnum esse in me, quòd carnis
meæ concupiscentias sequutus, in vani-
tate cogitationum, in leuitate verborū,
in stultitia operum, in cæcitate cordis,
in amore mei, in mentitæ virtutis co-
lore, & deniq; in picta demortuæ fidei
immagine, miseram hei mihi seruitutem
tanto tempore sustinui. O dolorem,
quòd nūquam firmo proposito iniquis-
simi illius hostis tyrannidem carnisq;
meæ abiecerim iugum: contra sanctas
ac salutes diuini Spiritus inspiratio-

nes, obdurato animo secluserim. Væ
mihi, qui tot tantisq; delictis, benefi-
cētissimi Patris indignationem iramq;
meruerim. Sed clementissime Pater,
quoniā iustitia tua per fidem Iesu Chri-
sti in omnes & super omnes credentes
manifesta est, vt omnes iustificationem
quæ est in Christo Iesu, consequen-
tur, quem tu Deus posuisti omnibus
propitiationem per fidem in sanguine
ipsius. Igitur veræ fidei in hoc gratiæ
tempore, per Iesum Christum à te Pa-
tre augmentum exopto, & pro ipsius
nomine remissionem delictorum me-
orum efflagito: vt de debito securus,
deinceps innouationem vitæ propo-
nens, omnibus impiis concupiscentiis
inimicus, sobriè, ieiunè, iustè, piè, tem-
peranter, clementer, benignè, & humi-
liter secūdam diuinam voluntatem tu-
am, in tuo timore, huius vitæ fabulam
peragam, mundo, carni, peccatisq; mor-
tuus, Filij tui Domini nostri Iesu Chri-
sti aduentum cupidè expectem. Qui te-
cum viuunt & regnat in vnitatem Spiritus
sancti Deus. Per omnia secula seculo-
rum. Amen.

Preca-

20

*Precationes ante & post sa-
cram Communionem sequuntur.*

ORATIO PRIMA.

ENomnipotens Deus, Pater miseri-
cordiæ, accedo ad mensam Filij tui
Domini Iesu Christi. Accedo, inquam,
ægrotus ad medicum vitæ, immundus
ad misericordię fontem, cæcus ad æteri
splendorem luminis, pauper ad cœli
mundiq; Dominum, nudus ad regem
gloriæ. Oro igitur pro inexhausta mi-
sericordia tua, salua pius infirmitatem
meam, laua, purga & emunda immun-
ditiam, illumina cæcitatem meam, di-
ta paupertatem meam, operi nuditatem
meam, vt panem Angelorum, Regem
regum, Dominumq; dominantium, tan-
ta cum reuerentia, contritione & dile-
ctione, tanta fide & puritate, illa humi-
litate, illo emendationis proposito per-
cipiam, quo animæ meæ salutem per
hoc crescere & augere sentiam. Ita ô
piissime Pater, da mihi corpus Filij tui
vnigeniti Domini nostri Iesu Christi,
quod quondam ex pura virginis matris
carne assumpserat, suscipere: vt mysti-
ci ipsius corporis membris insitus, Spi-
ritus

ritus & gratiæ suæ donis imbuar & regar. O Pater benignissime, da vt Filium tuum, quem nunc in via peregrinus Sacramento tectum percipere cupio, in patria ciuis facie ad faciem conspiciam. Amen.

Alia Oratio ante sacram Communionem.

O Domine benignissime, piissime Redemptor, da (per sanctam mortem te oro) in huius Corporis & Sanguinis tui perceptione, veram fidem, firmam viuamq; spem, perfectam charitatem, vt puro cordis affectu, quanta dilectione et benignitate sacrosanctum hoc Sacramentum in cœna nouissima institueris nobisq; cõmendaueris, possim cogitatione perpendere: quò mortis tuæ, quam peccatorum causa pertulisti, commemoratio potèter renouetur in me. Et vt cor meum ab omni peccatorum squallore purgetur, tua gratia iustam largire contritionem, qua verè dolens, acceptæ plagæ coram te tuoq; ministro Sacerdote vulnus aperiam, & accepto acerbioris emplastro medicaminis nunc in tempore gratiæ, in quo suauis voce faucios, vt conuersi ad te vitam habeant, conuocas, serpenti malo

occa-

occafio præcludatur. Da firmum emen-
dationis propofitum, vt tibi, non mihi,
omnibus diebus meis in fanctitate &
iuffitia viuam, vt propofita Corporis &
Sanguinis tui menfa, dignè ad animæ
meæ fufentationem cõmunicem. Se-
uerè enim nimis Apoftolus tuus de in-
dignè participantibus pronunciat: Qui
manducat & bibit (ait ille) indignè, iu-
diciũ ſibi manducat & bibit. Quia
ergo exhorrefco Domine iudiciũ tu-
um, vt qui te ſub cordis mei tectum in-
tromittendi dignitatem non inuenio,
te precor, dignum tua gratia effice, fan-
ctus ipſe habitaculum tibi cordis mei
ſanctifica, vt de iudicio ſecurus, de tua
exultè præſèria: vtrò enim ad te inuitas
ſitientes. Non ergo ad te fontem vitæ
æternæ, & omnis gratiæ, repelles veni-
entem: potabis me magnæ miſericor-
diæ fontibus, ne tranſitoria ſitiens, ſed
tuæ inexhauſtæ gratiæ irrigatus flumi-
ne, in vitam æternam fructificẽ. Amen.

Alia ante Communionem.

O Domine Ieſu Chriſte, deſidero te
vitæ panem percipere, ad quẽ mul-
tis modis inuitas me. Dicis enim: Ve-
nite ad me omnes, qui laboratis & one-
rati

rati estis, & ego reficiam vos. Et: Ego
sum panis viuus. Patres vestri manduca-
uerunt Manna in deserto, & mortui
sunt. Hic est panis qui de cœlo descen-
dit: qui manducat hunc panem, viuet
in æternum. Et: Panis quem ego dabo
pro mundi vita, caro mea est. Amen di-
co vobis: nisi manducaueritis carnem
Filiij hominis, & biberitis eius sangui-
nẽ, non habebitis vitam in vobis. Qui
manducat carnem meam, & bibit me-
um sanguinem, in me manet & ego in
eo. Sicut misit me viuens Pater, & ego
vivo propter Patrem: & qui manducat
me, ipse viuet propter me. Qui man-
ducat meam carnẽ, & bibit meum san-
guinem, habet vitam æternam: & ego
resuscitabo illum in nouissimo die; Ca-
ro enim mea verè est cibus, & sanguis
meus verè est potus. Hic est panis qui
de cœlo descendit: non sicut patres ve-
stri manducauerunt Manna in deserto
& mortui sunt. Qui māducat hunc pa-
nem, viuet in æternum. Satis hisce & si-
milibus inuitatoriis vocibus declaras,
delicias tibi esse cum filiis habitare ho-
minum. Impellor ergo, tantis tractus
promissionibus, ad te recurrere, te Deo
meo

meo frui, qui vt veraciter ita essentialiter in Sacramēto hoc, Deus verus, homo indubitatus adoraris & sumeris. O vtinam te possim dignè percipere. Scis beneficentissime Domine Iesu infirmitatem meam, vt cui nihil non apertum, quibus cruciar angoribus pro delictis meis, quibus vndiq; sepius sum, quibus terroribus concutiar, quot quantisque malorum procellis quassar. Abs te ergo auxilium & consolationem expeto, cui mea omnia notissima sunt, interna & externa, & qui solus priusquam orem, quid commodū sit, cognitum habes & largire potes. Ecce Domine nuditatem & egestatem meam, petenti benignus concede gratiam, ciba esurientem, foue frigore concussam, & tepidam tuę charitatis ardore incende, illumina tenebras meas tuo lumine: amara sint, quę in mundo blandiuntur mihi: quę acerbata sunt, in pœnitentię conuerte remedium: & vt terrena semel despiciens contemnam omnia, fursum ad te Dominum cœli attrahe mentem meam: non nisi beatus relinquā te, sed semper te inhabitantem conseruabo in me. Fac mecum secundum magnam misericordiam
diam

diam tuam, quam olim exhibuisti patribus meis qui tibi placuerunt ab initio. Qui. &c.

Alia ante Communionem.

ADuentanti mihi Domino, gestit obuiam procedere animus, sed deprimat peccatorum enormitas: tu ergo procedis, & immūdi, abiecti, despecti q; pulsas ianuam. Munda primum mundandum, purga purgandum, & tuæ voluntati aptum mentis meæ præpara habitaculum: adorna thalamum virtutum coronis Deitatis tuæ, & fidei intus accenso lumine totum niteat palatium. Ecce Regum ditissime, pauperculi subis tugurium: sed quid dico tugurium? ego ad te venio Pater, indignus qui tanti Patris dicar filius. Ne proicias me in ira tua, secundum meritum meum. Fac me sicut vnum ex mercenariis tuis, vt tantum gratiæ & misericordiæ tuæ panem in domo tua comedam. Quid facies filio vltro delictum suum cōfidenti Pater? Et si quid de merita ira sustinendum est, hic seca, hic vre, in tua voluntate, vt in æternum parcas Domine: tamen non desit mihi gratia tua. Nullam fac dem iræ tuæ occasionem: & quia tu
spon-

sponsus animæ meæ, totum me tibi tra-
do. Largire gratiam, vt quod iubes fa-
ciam, plenè tibi deseruiam, totus tuus
sim, me ipsum tua causa abnegem, vt
nunquam à te diuidar.

Alia ante Communionem.

Aue sanctissima Caro Christi & san-
guis. Aue summa dulcedo, quæ de-
trimentum nescis, fastidium tollis, mor-
tem necas, vitam æternam præstas. Aue
beata refectio, quæ electos tuos de mū-
di huius exilio ducis ad patriam. Aue
fœlix hostia, quæ in crucis ara Deo Pa-
tri, pro nostrorum peccatorum ponde-
re, es oblata. Aue manna niue candidi-
us, melle dulcius, omni auro pretiosius.
Aufer, obsecro, pastor bone, à me ini-
quitates, vt purificatus corpore, & re &
spiritu, merear degustare sancta sancto-
rum. Sit mihi hoc venerabile Sacramē-
tum, cōtra hostiles insidias inexpugna-
bile præsidium: vt hoc salutari viatico
refectus, lubricas huius vitæ vias imma-
culato calle transire, & ad te panem vi-
uum & verum Angelorum Dominum,
sine impedimento diabolicę fraudis va-
leam peruenire. Exaudi me, placare
Domine, attende & fac, ne moreris per
temet-

temetipsum Deus meus, quia nemo tā-
ti mysterij poterit esse dignus, nisi tu
omnipotens suscipientem feceris esse
dignum. Qui cum Patre. &c.

Oratio S. Ambrosii ante Communionem.

AD mensam dulcissimi cōuiuij tui,
pie Domine Iesu Christe, ego pec-
cator de propriis meritis nihil præsū-
mens, sed de tua confidens misericor-
dia & bonitate, accedere vereor & con-
tremisco. Nā cor & corpus habeo mul-
tis criminibus maculatum, mentem &
linguam non cautē custoditam. Ergo ō
pia Deitas, ō tremenda maiestas, ego
miser inter angustias deprehensus, ad te
fontem misericordiæ recurro, ad te fe-
stino sanandus, sub tuam protectionem
fugio: & quem iudicem sustinere ne-
queo, Salvatorem habere suspiro. Tibi
Domine plagas meas ostendo, tibi ve-
recundiam meam detego: scio peccata
mea multa & magna, pro quib⁹ timeo:
spero misericordias tuas, quarum non
est numerus. Respice ergo Domine Ie-
su Christe in me, oculis misericordiæ
tuæ, tu Rex æterne Deus & homo, cru-
cifixus propter hominem. Exaudi me
sperantem in te, miserere mei pleni mi-
seriis

seriis & peccatis, tu qui fontem miserationis nunquam manare cessabis. Salve salutaris victima, pro me & omni humano genere in patibulo crucis oblata. Salve nobilis & pretiose sanguis, de vulneribus crucifixi Domini mei Iesu Christi profluens, & peccata totius mundi abluens. Recordare Domine creaturæ tuæ, quam tuo sanguine redemisti: pœnitet me peccasse, cupio emēdare quod feci. Aufer ergo à me clementissime Pater, omnes iniquitates & peccata mea, vt purificatus mente & corpore, digne degustare merear sancta sanctorum: & concede, vt sancta prælibatio corporis & sanguinis tui, quam ego indignus sumere intendo, sit peccatorum meorum remissio, sit delictorum perfecta purgatio, sit turpium cogitationū effugatio, bonorumq; sensuum regeneratio, operumq; tibi placētium salubris efficacia, animæ quoq; & corporis contra inimicorum meorum insidias firmissima tutio. Amen.

Oratio S. Thomæ Aquinatis ante Cōmunionē.

OMnipotens sempiterne Deus, ecce accedo ad Sacramentum vnigeniti Filij tui Domini nostri Iesu Christi.

Acce-

Accedo tanquam infirmus ad medicū
vitæ, immundus ad fontem misericor-
diæ, cæcus ad lumen claritatis æternæ,
pauper & egenus ad Dominum cœli &
terræ. Rogo ergo immensæ largitatis
tuæ abundantiam, quatenus meam cu-
rare digneris infirmitatem, lauare foedi-
tatem, illuminare cœcitatē, ditare pau-
pertatem, vestire nuditatem, vt panem
Angelorum, Regem regum, Dominum
dominantium, tanta suscipiam reuerē-
tia & humilitate, tanta contritione &
deuotione, tanta puritate & fide, tali
proposito & intentione, sicut expedit
animæ meæ. Da mihi quæso Domini-
ci Corporis & Sanguinis non solum sus-
cipere Sacramentum, sed etiam rem &
virtutem Sacramenti. O mitissime De-
us, da mihi corpus vnigeniti Filij tui
Domini nostri Iesu Christi, quod traxit
de virgine Maria, sic suscipere, vt corpo-
ri suo mystico merear incorporari. O
amantissime Pater, concede mihi dile-
ctum Filium tuum, quem nunc vela-
tum in via suscipere propono, reuelata
tandem facie perpetuò contēplari. Qui
tecum viuit & regnat in vnitae Spiri-
tus sancti Deus. &c.

Oratio

*Oratio Thomæ de Kempis ante Com-
munionem.*

O Dulcissime atq; amantissime Do-
mine Iesu Christe, quem nunc de-
uotè desidero suscipere, tu scis infirmi-
tatem & necessitatem meam quam pa-
tior, in quantis malis iaceo, quam sæpe
sum grauius, tentatus, turbatus & in-
quinatus. Pro remedio ad te venio, pro
consolatione & subleuatione: te depre-
cor, ad omnia scientem loquor, cui ma-
nifesta sunt omnia mea, & qui solus po-
tes me perfectè consolari & adiuuare.
Tu scis quibus bonis indigeo præ om-
nibus, & quàm pauper sum in virtuti-
bus. Ecce sto ante te pauper & nudus,
gratiam postulans, & misericordiam im-
plorans. Refice esurientem mendicum
tuum, accende fragilitatem meam igne
amoris tui, illumina cæcitatem meam
claritate præsentia tuæ, verte mihi om-
nia terrena in amaritudinem, omnia
grauia & contraria in patientiam, om-
nia infima & creata in contemptum &
obliuionem. Erige cor meum ad te in
cælum, & ne permittas me vagari super
terram. Tu solus mihi ex hoc dulce-
scas vsq; in seculum: quia tu solus cibus

& potus meus, amor meus & gaudium
meum, dulcedo mea & totum bonum
meum. Vtinam me totaliter ex tua præ-
sentia accendas, comburas & in te trans-
mutes, vt vnus tecum efficiar spiritus
per gratiam internæ vnionis, & liquefa-
ctionem ardentis amoris. Ne patiaris
me ieiunum & aridum à te recedere,
sed operare mecum, misericorditer, si-
cut sæpius operatus es cum sanctis tuis
mirabiliter. Quid mirum si totus ex te
ignescerem, & in me ipso deficerem? cū
tu sis ignis semper ardens, & nunquam
deficiens, amor cordis purificans, & om-
nem intellectum illuminans.

*Oratio ad Beatam virginem MARIAM
ante Communionem.*

O Mater misericordie, Virgo sanctis-
sima, mater Domini nostri IESU
Christi, quæ ex nimia humilitate, dile-
ctissimum Filium tuum concipere, fo-
nere & lactare meruisti. Cuius sacrosan-
ctum Corpus & Sanguinem ego hodie
quamuis indignus & peccator, labiis po-
lutis, corde & cōscientia sordida, susci-
pere tamē dignè desidero. Ad aures tuę
pietatis misericordissima Mater, ex pro-
fundissimis cordis mei abyssis p̄ces fun-
do, hu-

do, humiliter deprecans, quatenus ipsum
mihi placare digneris: ut remissis & de-
letis meis criminibus, gratiam suam san-
ctissimam mihi largiri dignetur: & me
custodire ab omni periculo & negligē-
tia in hac communione sui sanctissimi
Corporis: & cōcedat mihi sic suum sa-
cro sanctum Corpus & sanguinem su-
scipere, ut in extrema peregrinatione,
ipsum viaticum obtinere merear in vi-
tam æternam. Amen.

Oratio. O clemens, o pia virgo Maria, Dei
genitrix miserere nobis, & impetra mi-
hi a Filio tuo, vitæ puritatem, satisfacti-
onem: ut post hanc vitam tibi cum Fi-
lio associar. Amen.

Oratio cum iam accedis ad Altare.

Deus meus, adiutor meus, protector
meus, preparatio cordis mei: in te
spes mea, fiducia mea & refugium meum:
in totum diffidens de me, pro tua pmissi-
one accedo ad te, ut cōmunicato Cor-
pore & Sanguine tuo, post remissionem
peccatorum meorum, post fidei augmen-
tum, crescam membrum mystici Cor-
poris tui in te, & perseuerem usque in fi-
nem vitæ meæ. Amen.

O Domine IESV. Christe, ut intres sub

tectum

rectum cordis mei, dignus non sum: tibi tamen cognita indigentia mea est: ob id summè & ex animo præsentiam tuam expeto, vt tuo iussu consolatum confirmes me. Dic ergo verbum, & sanabitur anima mea. Amen.

O Domine IESV Christe, sacrosanctum Corpus tuum, in quo pro me mortem passus es, & pretiosus Sanguis tuus, qui pro me effusus est in remissione peccatorum meorum, dimissis delictis meis, conseruet, custodiat, & in vitam æternam me perducatur. Amen.

O Domine IESV Christe, verbum Patris æterni, mundi salus, verus viuusque Deus & homo: ab omni malo per sanctum Corpus tuum libera nos, vt rescriptis ex eius pastu viribus, mandata tua & vota nostra adimpleamus, & tecum in æternum permaneamus. Amen.

Oratio post Communionem.

NVnc dimittis seruum tuum Domine, secundum verbum tuum in pace. Quia viderunt oculi mei salutare tuum. Quod parasti ante faciem omnium populorum. Lumen ad reuelationem gentium, & gloriam plebis tuæ Israel. Gloria Patri & Filio, & Spiritui sancto.

Sicut

Sicut erat in principio & nunc & semper, & in secula seculorum. Amen.

Alia immediate post Communionem.

Vera perceptio Corporis & Sanguinis tui, omnipotens Deus, non veniat mihi ad iudicium neq; ad condemnationem: sed sit omnium peccatorum meorum optata remissio, & corporis pia gubernatio, & potens ad vitam aeternam introductio. Amen.

Oratio S. Thomae post Communionem.

Gratias tibi ago Domine sancte, Pater omnipotens, aeternae Deus, qui me peccatorem indignum famulum tuum, nullis meis meritis, sed sola dignatione misericordiae tuae satiare dignatus es pretioso Corpore & Sanguine dilectissimi Filij tui Domini nostri IESU Christi. Et precor, ut haec sancta communio, non sit mihi reatus ad poenam, sed intercessio salutaris ad veniam. Sit mihi armatura fidei & scutum bonae voluntatis. Sit vitiorum meorum euacuatio, concupiscentiae & libidinis exterminatio, charitatis & patientiae, humilitatis & obedientiae, paupertatis & castitatis, temperantiae & ferventis devotionis augmentatio, contra infidias inimicorum omnium, tam vi-

Abilium quàm inuisibilem firma de-
fensio, motuum meorum, tam carnali-
um quàm spiritualium, perfecta quieta-
tio, in te vno ac vero Deo firma adhae-
sio, atq; finis mei foelix consummatio.
Et precor te, vt ad illud ineffabile con-
uiuium, me peccatorem perducere di-
gneris, vbi tu cum Filio tuo, & Spiritu
sancto, sanctis tuis es lux vera, satietas
plena, gaudium sempiternum, iucundi-
tas consummata, & foelicitas perfecta.

Alia Oratio post Communionem.

GRatiarum actio sempiterna, laus,
honor & benedictio tibi fit Pater
coelestis, Deus omnipotens, qui pauper-
culum in exilio hoc, & lachrymarum
valle morantem me, sancti Spiritus tui
recreasti gratia, coelestibus Corporis &
Sanguinis tui refecisti dapibus. Per ipsam
tuam miserationē, mihi clementer con-
cede, in omnibus & super omnia te di-
ligere, facta tua cum admiratione per-
pendere, inordinatas affectiones a me
secludere, vitam per omnia emendare,
pro tui nominis gloria, ad meam salutē,
de virtute in virtutem procedere, vt te
summum bonum post hanc vitam in
sempiternæ foelicitatis Sion possim cō-
spicere.

spicere. Vbi tu eum eodem Filio tuo
Domino nostro Iesu Christo & Spiritu
sancto, viuis & regnas super omnē im-
mortalitatem, per infinita secula secu-
lorum. Amen.

Alia Oratio post Communionem.

Dominator & Saluator vniuersæ
creaturæ, Domine Iesu Christe,
Fili Dei viui, qui omnem meam infir-
mitatem curare vales, quoniam Domi-
nus potens es, & vis propitiari iniquita-
tibus meis, quia Saluator es, & ad hoc
in mundum venisti, vt perdita queras,
& salues quæ perierint. Concede pro
bonitate tua & misericordia, ad meam
etiam seruire salutem, quod pro omni-
um redemptione dignatus es impen-
dere, vt virtute sacrosancti Corporis &
Sanguinis tui, quod ego hodie licet in-
dignus, vtinam tamen dignè percepi,
mundus à peccatis, purus à sordibus,
& à periculis liber efficiar: qui ob ipsum
immolari in cruce voluisti, vt Corporis
& Sanguinis tui sacrificio, & pro deli-
ctis propitiationem, & à periculis libe-
rationem toti mundo impetrares. Da
vt hac cœlesti alimonia saginatus, in for-
titudine cibi illius, viam mandatorum

ruorum indefessus percurrant. Præueni
me gratia tua, ne me à te separent vllæ
iniquitates in præsentī seculo. Subse-
quatur me misericordia tua, ne me à be-
atitudinis tuæ consortio repellas in fu-
turo. Amen.

Oratio S. Bonauenturae post Communionem.

TRāsfige cor meum dulcissime Do-
mine Iesu Christe, medulas & vi-
scera animæ meæ, suauissimo ac salu-
berrimo amoris tui vulnere, vera sere-
naq; & Apostolica sanctissima charita-
te: vt langueat & liquefiat anima mea,
solo semper amore & desiderio tui: te
concupiscat, & deficiat in atria tua, cu-
piat dissolui & esse tecum. Da vt anima
mea te esuriat, panem Angelorum, refe-
ctionem animarum sanctarum, panem
nostrum quotidianum, supersubstanti-
alem, habentem omnem dulcedinem
& saporem, & omne delectamentū sua-
uitatis. Te, in quem desiderant Angeli
prospicere, semper esuriat & comedat
cor meum, & dulcedine saporis tui re-
pleantur viscera animæ meæ: te semper
litiat fontem vitæ, fontem sapientiæ &
scientiæ, & æterni luminis, torrentem
voluptatis, vbertatē domus Dei: te sem-
per am-

per ambiat, semper quærat, te inueniat,
ad te tendat, ad te perueniat, te medite-
tur, te loquatur, & omnia operetur in
laudem & gloriam noministui, cum
humilitate & discretione, cum dilecti-
one & delectatione, cum facilitate &
affectu, cum perseverantia usq; in finē:
& tu sis solus semper spes mea, tota fi-
ducia mea, diuitiæ meæ, delectatio mea,
iucunditas mea, gaudium meum, quies
& tranquillitas mea, pax mea, suauitas
mea, odor meus, dulcedo mea, cibus
meus, refectio mea, refugium meum,
auxilium meum, sapientia mea, portio
mea & possessio mea, thesaurus meus,
in quo fixa & firma, & immobiliter sem-
per sit radicata mens mea & cor meum.
Amen.

*Oratio ad Beatam Virginem, & omnes San-
ctos post Communionem.*

Serenissima, nobilissima, sanctissima
& inclyta virgo Maria, Mater Domi-
ni nostri, quæ eundem creatorem om-
nium, in tuo sacratissimo utero digna
fuisi portare, cuius sacratissimum Cor-
pus hodie ego indignus & indigne su-
mere præsumpsi: rogo te per illa humi-
litate tuâ, vt ad ipsum pro me peccatore
misero

mifero, intercedere digneris: vt omnes
defectus & negligentias meas, in hac
sumptione sui sacratissimi Corporis, di-
gnetur mihi clementer indulgere: &
quidquid mihi defuit, merito sua pas-
sionis acerbissime & innocentissime
compenfare. Et tu sancte Ioannes Ba-
ptista, eiusdem Domini præcursor & a-
mice, qui inter materna viscera positus;
exultans, ipsum adesse mirabiliter co-
gnouisti, tandemq; mundo sua peccata
portantem digito ostendisti, atq; ipsum
in Iordane baptisans, vix illud tremen-
dum atq; gloriosum caput ausus es tan-
gere, quem ego nunc totum tangere,
sumere, immundus & innumerabili-
bus peccatis oneratus, non expaui: te
oro, digneris pro me peccatore inter-
cedere, ne hæc communio sacratissi-
ma sit mihi reatus ad iudicium & pœ-
nam, sed salutaris ad veniam interces-
sio, & potens ad vitam æternam intro-
ductio. Et vos omnes sancti & electi
Dei, qui assidue eius visione fruimini,
ad cuius mensam ego tam impræpara-
tus accedere, & tam ingratus recedere
præsumpsi, nec omnino formidauī: ve-
strum

30
strum inquam ego suffragiū & orationes depono, dignemini pro me, Domino nostro IESU Christo supplicare: qui me, licet indignum, ad suam sacratissimam mensam vocare dignatus est; atque illi gratias agere pro tanto beneficio: nam ipse ad hoc faciendum sufficere non valeo. Vos inquam, orate eum, ut quicquid in huius ineffabilis Sacramenti sumptione, ignoranter, negligenter, vel accidentaliter commisi, omisi vel peccaui, vestris meritis sanctissimis, & merito suæ passionis innocentissimæ, dignetur mihi indulgere, & doceat me ad hoc sacrosanctum Corpus suum, cum sibi placuerit, melius preparatè accedere. Insuper dignetur me miserum peccatorem, vnâ cum omnibus mihi commissis, benefactoribus, propinquis, cognatis, cunctoque populo Christiano, & cum omnibus, pro quibus volo & teneor orare, ab omnibus peccatis mundare, & ab imminentibus sceleribus conseruare, ab omnibusq; malis, tam animæ quàm corporis, tueri & defendere. Et hac vita bene transacta, concedat nos feliciter
ad æ-

ad æternam beatitudinem peruenire, &
in conspectu suo iucundissimo ater-
naliter vobiscum regnare. Qui viuit
& regnat cum Deo Patre in vni-
tate Spiritus sancti D E V S. Per
omni. secula seculorum.

A M E N.



CRACOVIAE,
In Officina Andree Petricouij.
Anno Domini, 1604.



, &
er-
uit

Biblioteka Jagiellońska



stdr0016816

